

大理叢書

楚圖南題



目 录

卷 三

〔天启〕滇志下 〔明〕刘文征

.....

一

滇志卷之十五

人物志第八之二

孝義目錄

雲南府

元 楊立義

本朝段澍 熊信 王謹 方紀

陳大韶 王璽 唐文炳 孟富

洪文量 賈惟孝 施汝翼 程世勛

段有學 宋應時 井肯 張雲鯤

畢畊 李光相 石巖 安如磐

杜惟喬 楊坤 李宗元 周良卿

滇志

楊世麒 陳大倫 鄭相 劉連璧

程坤 陳咸厚

大理府

漢 隗叔通

本朝阿這 王保 趙壽 楊寧

楊謫仙 張孝子 洪鈞 楊清

楊沂 趙友益 王守陽 呂健

楊起雷 王曰俞 朱惟顯 段錦文

楊雨 吳讓 張九賦 趙重華

王寵 朱世祿

臨安府

元 張友直 董茂春

本朝萬容 吳孝先 楊慶 沈瑜

馬文榮 藍貴 高禧 姚思敬

馮敬 徐瀚 王制 紀元

姚九韶 孫世榮 任翔鳳 蘇一貫

張志連 楊世春 楊忱 李朝鳳

趙鎔 戴敏 馬思賢 楊立

段富春 戴仕軒 張貴 王惠

楊即立 戴天資 董紹舒 孔一貫

趙時遇 張宋臣 張仕義

永昌府

滇志

本朝徐訥 胡亢 蕭芳 符節

陸鏞 辛淳 蘭剛 吳榮

周琮 楊茂 林興祖 鄭永生

鍾應奇

楚雄府

元 楊惠

本朝王大勲 謝昱 延文 潘浩

朱高仇 儀鞠 躬 李希綱

曲靖府

本朝李驥 郭蕃 徐可繼 陳敬

趙倅 錢彥暉

滇志卷之十六

祠祀志第九

舊志分祀典羣祀凡在六宗五祀八神九祭之法與當代制書頒布諸在秋宗曰祀典其餘民間崇奉建置無常次別羣分皆謂羣祀志草率而不因取諸大典奉行顛末列于前曰是違之各郡邑者總罕于祠宇之首不復贅于是山川社稷諸祠俱不與而開卷弁首者闕侯祠也竊謂山川鬼神上聖大賢不啻一功德一捍禦之爲屑屑似不可一槩施之李氏固曰至誠勿勿必敬必戒不數不流故志祀典而以羣祀繫之廣恭敬也邑氏曰滇俗故尚鬼一二社賽亦獵較之從或以是不便分晰故寧統括而通融乎又所載于舊志如大理蒼洱與金碧齊名二祠似不宜去今仍從李氏舊志而復其應入者

祀典

雲南府

社稷壇在府城西洪武元年令天下郡縣置社稷壇七年是府州縣社稷正配皆少牢已而罷配春秋二仲上戊日祭各郡縣同

雲南風雷山川壇在府城東洪武元年令天下郡縣置山川壇三年革前代歲瀆封號惟以山川本名稱

其神六年禮部議祭風雲雷雨及境內山川城隍共爲一壇春秋二仲上巳日祭各郡縣同嘉靖九年奉制更神之序曰雲雨風雷

城隍廟在府治西南洪武二年令有司祭城隍仍前代禮府封威靈公州封靈佑侯縣封顯佑伯三年改今稱廟三楹中祀雲南省都城隍之神左祀雲南府城隍之神右祀昆明縣城隍之神左有官廳三楹司府縣新任官祭告齋宿于此

旗纛廟在府治南中馬殿三楹左右爲六衛兵器庫各三楹洪武三年仲春行合祀禮祀六纛大神旗纛縣大將五方旗神於城隍之後其後諸衛所俱建有廟

滇志

霜降前期迎旗至日都司官合六衛陪祭出師則取旗纛以祭班師仍置於廟

厲壇在府城北洪武二年令郡邑立厲壇每歲清明日孟秋望日孟冬朔日祭無祀鬼神各郡縣同

關王廟有二一在府城南洪武十九年建萬曆十五年巡撫劉世曾贈國公沐昌祚捐金修葺即人嚴清助工二十九年巡撫陳用賓重修三十五年逆寇之亂燬于兵火巡撫周嘉謨復鼎建焉歲五月十三日都司致祭其一在府城中雙營門張譽建黔國公沐昌祚爲記

文昌宮有二一在府西門外宮殿之後有閣又折而

北勝州


東嶽廟在州治東

蕭公廟在衛城南

龍王廟在州治五里

滇志

二十九



滇志卷之十七

方外志第十

寺觀



方外首寺觀以寺觀方外人所居也先置蘭若徐飛錫杖而龍象有安西威儀有選庭焉望氣關門五千言著之何所憑虛弱水十洲記流于人間園不止源上之樹殷然江渚之沙長白已也結屋烟霞之侶不得其門未入于室而緇言渺茫玉京十二樓之幻哉今識寺觀若干所或敕敝或創興或小有而隨處會心或鉅麗而任人遊目愧筆不能盡出也恐他郡出聞見之外者尚多末如之何矣

滇志

一

雲南府

長春觀舊在府治南集司之右今改建學宮即以舊學聖殿易之設道紀司迎原祀金像行內每

慶賀大典為習儀之所

五華寺在府城中五華山舊名憫忠元至元初建

本朝定邊伯沐昂暨都督同知沐璘璘增修有樓曰聚

遠有堂曰泰然亭曰真意正殿有

蓮文皇帝獅子座

圓通寺在螺山下盤谷間其左盤屈而上至山顛有信美亭右有官廳好事者于懸崖石上建玄天閣即人朱思明又建呂仙閣其下有石穴可隱數人有石

滇志卷之十八

藝文志第十一之一

噫甚哉文獻之不足無若滇也先秦邈矣西京而下凡茲西南者卽入採摭誠若商彝周鼎然唐及勝國猶然秦鏡金狄僊人承露盤也

國家二百六十撰錄載足以迄莫安

祖宗列聖文教相承若麗天之為日星麗地之為山川有倫有要有典有則固不必緬想秦漢而怨宋代泥封使茲文之隔閡也而海內哲匠宗工神化所及經緯有章炳炳烺烺既極著

當今之盛生茲土者亦翕然向風爭相磨厲力追良

滇志

史更兼思金玉之音心豔賦才擬更置蕃牆之筆其人又未始乏絕焉李氏為進仕詔來揚幽閨賸考治亂之榮亮得失之原釋經營之功尋遊覽之迹皆賴之包氏謂勞臣戰將循良英哲忠孝節義騷人墨客所藉以不朽者皆紀載之力又曰其人不必滇其事必滇也其人卽滇而其事亦必滇也而其文乃入之成其為滇之藝文而已矣今取兩志所列出入之數癸酉至癸卯二十餘年文與詩不下百十餘篇癸卯抵今二十餘年乃倍蓰焉則斯茲興在其興起之人月異而歲不同可知矣凡出名名家若秦疏若詩若文自有全書行於世茲所

滇志

採不越十百之一二其出滇人士之筆亦據耳目所親記若夫秘而不傳及遠莫能致者恐尚多也總之刻在公府者或水腐而出生流傳人間者或時久而散佚至於家刻更為罕希或文士多貧絀青無力或後事寂寥遺藁浮沉今亦取諸見在而已矣續有所獲付之椽遺不及以俟後世後世賢人君子

滇志卷之十九

藝文志第十

記類

汎舟昆池池歷太華諸峯記

余以辛卯春入滇滇迤東西花事之勝甲子中原而春山茶尤勝其在昆明者城中園亡論外則稱太華蘭若焉余時隨監郡諸大夫入省以上已日道出碧鷄關去會城三十里而遙蓋致指之矣乃問途為太華之遊循關右箐斗折而南五里至高峴舊有楊太史用修海莊已廢又一里許適有高臺曲池層樓畢榭前用五色杜鵑棚之顯構方新也至此遂俯昆明

滇志

池余視步無餘皇乃買漁舟一葉令騶人躋跋臯陸獨挾一二黃頭即汎焉池一望五百里瀾西南隅俗號滇海滇去海遠水傾敵即稱海下高峴輕洲淺渚蒲葦颯沓長過人又稱草海海長廿餘里草中津港以千數往來繫星麗而渙余蕩槳其中不復知非山陰衡上也草窮且挂席出水海水下及余東海一汗渙而風力差足畏滇中鎮日減西南風春風較在掠余颿墮水中乃回棹泊焉易筍輿而登漸霽盤桓上數里及太華山門蓋宮琳宇燦煌金碧倚山隆起擬千紫霄碧雲之間余右陟飛磴歷龍藏東下黔寧祠覽其世像出文陞前雨峯山茶八本高三丈萬花霞

滇志

明飛丹初茵列繡如帳倦枕生其下神懔懔後玉環入石象錦步障也廊右繞出縹緲樓觀海危墻一粟水勢黏天頗似一碧萬頃然哉夕陽西下太華踞其東倒影半侵已素月侵光于上山影為藻荇攖之更勝也是夕宿僧榻漏下月色入戶宿鳥驚棲聒人耳余旅思轉深矣質明緣磴岸磧歷而南遠見山頂室廬嵌空一如卷畫輿者云羅漢寺也以有石像比丘而名稍述之一卻落居河之康漢者織宿楚以家傍置官署焉寺尚數千步絕壁上仰視之如欹墮者盤辟而升計四五曲入寺問南北庵寺後樹金烏碧鷄碣摩碣乃入南庵立亭看字咸新若簷覆之承以瑤臺趾半懸外此入南出過一刹廟後問一亭臺廟為雷神為龍伯為大士為王虛師相雜以釋道亭為迴瀾為望海文有趙羽士之塔文殊之岩咸傍海岸時而驚濤拍空飛沫可幾佛身也路迴則轉北庵躡級而上過朝天橋詣老君廟入真武宮最上玉皇閣如鶴巢燕窠寢懸度飄搖雷祠龍井踏藉足下益又勝也二庵者南踈即北幽峭南庵橫截山麓而過金鋪緣房足稱近水樓臺北庵搏扶搖以上層層各十丈轉山椒斗大崖則懸一字焉人側身而度鳥道爾然北庵雖高僅見草海白頻紅蕖楚楚有致若南庵面東南水海帆帆雪浪日月出沒其中故大觀也下山

滇志卷之二十

藝文志第十

記類

新建重刊記

施光化

我

明令于臺使者巡行即國諸大判大害所在許一切便宜發舉海南海公按滇之三閩歲激濁揚清威惠輿洽先是有金陵河石開之後來河流於清陰奪民命於波臣覽石安瀾歲免衝蓄滇之被大美而日食其力者惟公之賜業欲明德遠為功矣頃相繼持斧者復奉

滇志

簡書計旦莫可抱據茲夫粒食之源開即吾國之不同獨吾民也乎我僕意或轉屬之而姑待之其何能無親望無避難無徂近費以一時規百世力紛從前未有哉公則念滇介遐服首城巨會勢尤居重馭輕城故無外和亦惟相沿以有今日也前需之後後復視之前異日者警在門庭莫敢堂典之安藩籬不固隨召腹心之梅堂非築舍滋焚民難慮始乎通者鳳首踰突至彌內地前事可鑒利害較然因撤所司其議地可保障城守者必從必罷費即不資則鳩它工材寧康公幣地扼其要則規度遠近務廣崇墉役不勞民則耗庸既稟惟恐子來以佚道相使上下和悌

滇志

也萬里炎荒每憂鞭長不及一隅無益 臨莫安用

國家全盛則老車善無外大煩已洵一舉而衆善集矣詭者曰衆心成城人和足恃其亦未始於設險守國之議乎故重閭禦暴蓋取諸豫交傾時危適際夫盛鳴豫凶而祿盡本分今禁微而維挽從之愚暗成事知時未萌所從來矣入人臣任事惟忠無說然必往之必耳以委詔茲因循以因循成額廢墮戶不塞風雨飄搖天下事大率近是公于滇既為河防而限之又為牆戶以衛之豐稷登於南詔守備日壯於金湯其所為計安一方者學蓋不遺餘力使後之人盡

記類

定遠縣儒學記

雲南楚雄府屬縣曰定遠舊未有學按察司提學副使仰齊胡公建議請于

朝廷命建學堂舉也經始于嘉靖二十六年孟秋釋菜于二十七年長至學成宜有記縣之官司請于胡

公公乃振以慎重從事秉筆後屬為記之慎參按圖經域志定遠在漢為越雋郡地三國時諸葛忠武侯

征南中營于此唐武德中置西濮州貞觀中更名翠滇志

州後訛稱牟州宋世淪于段高二僭夷至胡元立牟州千戶至正改為定遠州

今朔岡定遠之名而降州為縣百七十年而始建學聖明文治之運聲名之盛多士主斯時斯地亦享幸

矣嗚呼漢之什土名取越雋者以斯地實越雋水以彰休盛然特以關土服遠言爾

國家以細常為治禮樂為教雲南雖去神皋萬里而氣序風和君子道行已于洪武初元榮煥天言之褒

天咨爾多士涵泳聖涯豈可以懷彼自棄手矧擊濶之名已見牧野其歸仁應化已兆于武王永清之世

而武侯之所過化則澹泊明志之道真寧靜致遠之

心學諸士于獨無與起乎大學亦多說矣肇始于六經發揮于諸子更僕永可終而走也獨舉武侯澹泊寧靜之二言者以古者建學立師必本其地望瞻賢懷古恒首其儒先武侯之在定遠固名宦之稱首巨擘亦後學之指南元龜也藏焉修焉思焉游焉亦可以為成人矣跡是而之焉以希聖敢謂無其人乎敬書以俟若夫建學諸與有勞者皆列其名衡于碑之陰

靖陽書院記

唐時英

脩道名堂何堂也靖陽書院之堂也書院何始乎望山子教人以誠明之學經始之末之前聞也夫道本

滇志

無修云何修道也孔子曰修道以仁子思子曰脩道之謂教道也者不可須臾離也可離非道也是以君子脩之吉自易其至其中何明而誠成功一也我思古人師於圖書列於卦疇為典謨訓誓為三禮六經立天地之心立生民之命繼絕學救萬世無窮譬如天地無不覆載四時行而百物生苟非仁乾坤幾乎息矣觀天地則知聖人也根心之學脫肥天理無一息之停無一毫動以人苟間焉故曰仁人心也受天地之中以生者也主生之謂易也冲漠無朕之中萬像森然已具感而遂通天地之故聲教訖於四海彝倫攸叙施及蠻貊凡有血氣者莫不尊親地平

心直以精白為基恢廓為宇高明為堂軒周慎為環
堵慈祥愷悌為殿若安阜懷保為服祉其視吾民何
啻嘉禾諸凡主意於休養生息者皆田之既優既渥
也修明乎法度政令者皆田之我疆我理也即剪奸
去暴不使僥倖皆田之去蠹焚蕪昔也凡民之鼓腹
而嬉遊者皆田之穡而有秋也即所稱堯水湯旱不
能為災懿哉太守公之福田直以心造矣內典曰心
生則法生法界緣心造是舉也其太守公之法界緣
心者乎余惟儒之距釋有同華戎然粵稽達人杰士
皆尚其法如白居易盡極樂園柳柳州造淨土院蘇
東坡佩彌陀像之數公者皆以文章雄一世而歸心

滇志

七十七

乃爾韓范司馬諸公莫不參訪其法而諧其極當時
人圖賴之以安太守公之創茲福田寺也者行將上
之

皇國永固

國步彌昌下之世道益淳民生畢遂繇武陽而六合
太守公之福田寧有涯矣化且拭目之是為記

滇志卷之二十一終



滇志卷之二十二

藝文志第十一之五

疏類

請略定南寧州疏

隋梁 睿

竊以遠撫長駕王者令圖易俗移風有國恒典南寧
州襟牂牁之地近代分置興古雲南建寧朱提四郡
戶口殷衆金寶富饒二河有駿馬明珠益寧出鹽井
犀角晉大始間以益州曠遠分置寧州至僞梁南寧
刺史徐文盛被湘東徵赴荆州屬東夏尚阻未遑遠
略土民饗瓊遂竊據一方國家遙授刺史其子震相
承至今臣禮多虧貢賦不入每年貢獻不過數馬其
處去益路止一千朱提北與戎州接界彼人苦其苛

滇志

一

政思被皇風伏惟大丞相匡贊聖朝寧濟區宇闢土
服遠今正其時幸因平蜀士衆不煩重興師旅押捺
既訖請略定南寧自盧戎以來軍糧須給過此即於
蠻夷徵稅以供兵馬其寧州朱提雲南西蠻並置總
管州鎮計彼熟蠻組調足供城防倉儲以靖肅蠻夷
裨益軍國今謹建南寧州詔縣及事意知別有大都
督杜神敬昔曾使彼具所請練今并遣往

奉省罷姚州疏

唐張柬之

姚州古者哀牢之舊國絕域荒外山高水深自生人
以來洎於後代不與中國交通前漢唐蒙開夜郎滇

滇志卷之二十三

藝文志第十一之六

疏額

請賜貢金疏

臣奉

命撫滇數月以來日孽孽焉惟緝盜安民是急額四郊多壘大盜縱橫征剝之文與招撫之檄交發互馳筆費為禿而犬羊之類反側難馴期以緝盜而盜未必弭也戒諭有司整剔與蠹蕩滌煩苛念念思與民更始而天災流行霍雨為虐登城一望四野沮洳期以安民而民未必安也盜未弭則添兵添餉勢不能

滇志

厄民未安則焚林竭澤用不能支况可以逾餉故有每畝九釐之加派耶滇土府土州土縣壤地千里小者數百里所輸僅差發銀二三十兩多者五十兩或百兩而止其流官州縣得數百金運了一州一縣之額居歲入有一二千金者便以名城鉅邑稱矣譬之一貧家析薪數米常懼不能糊其口一蘇夫朝餐夕餐常懼不能具命今欲少節涓滴以活滇人之命則惟有請賜貢金一節而已夫

皇上取金于滇宜以金為滇之所產耶不知商民累擄重爾遠覓之秦隴近覓之巴蜀是有至京而反用高價易之以進者至於金價之所從來尤有不忍言

者武毅之汰軍或取之挾括或取之閭閻或取之商民之賠累吮血椎膚呼天搶地

皇上不得而知也如以為必不可缺則慶隆以前額止二千而隆慶四年始增三千時以撫臣曹三賜按臣評大寧之奏

穆宗皇帝慨然停止萬曆十年增金一千時以撫臣劉世曾按臣董裕之奏我

皇上亦慨然停止則知金可有可無之物也以可有可無之物亟為停止而况又加之逾餉之急耶惟盡行免解或止解原額二千停止續添三千少器滇民餘力以供九釐之加派少得滇餉萬一以救多凶多

滇志

懼之危疆臣度眼前光景金價決無所出未幾

貢金決不能辦臣惟有與地方諸臣席蓐以待斧鉞爾已今連歲災孽一切不報歲後得此疏乃奏德省裁庸額之溢與民更始公田天之力難會時之可為而滇人並受其福良非偶然今擬于志以備

多進

請加額解疏

前人

樞提學道副使樊良樞呈稱切照六詔之地人文麟萃才士應行所從來矣至於今日士林蔚起文章斌斌奮翬攀人四十五名萬曆四十三年恭遇

神宗皇帝壽考竹人增額二名多士駿駁駕遠爾時庠序之士不逮九千餘人未有今日之盛也自四十

勅下該部查覆

上請將七田道副使孫同倫專理戲法

頒給坐名

判書一道以便日成臣無任悚息待

命之至

滇志

八十三

滇志卷之二十三終

滇志卷之二十四

藝文志第十一之七

序類

唐李德裕西南脩邊錄序

姓氏關

唐太和四年十月戊申制誥兵部侍郎臣德裕節度劍南西川維蜀西樞戎索南接蠻服昔在中葉武尅不剛蠹賊內訌蛇狎荐食表撐裏振猶懼侵軼未陰網戶莫及二邊於是先事候情並謀合智料敵勢扼地險計軍實而脩邊錄作焉即十三卷之簡見萬里外之情所以制勝無形銷患未萌也茲不可無序夫破敵于一方其策易脩敵于多方其謀難朔方既城

滇志

一

薄伐于西文王其勤也猷猷既攘鞠旅于南宣王之武也鐵芒瀾氣蠟穴潰堤智慮不周捍防不密則疆場之虞不生所脩而生所玩吁可懼哉然山川阨塞非畜莫見兵財盈虛非書莫著是故軍防有錄饌于天寶九州別錄上于正元禦戎新錄奏于元和元振述安邊之策敵興條脩邊之失前矣後傑惟籌惟畫詳已然之變忽未動之憂寢薪為安批柳為固猷之不逮寇將生心德裕身佩西瑀之任得不為南鄙慮乎方唐盛際德威溥暢北虜突厥東憺遼海窮髮反景悉主悉臣文恬武嬉喪羊于易吐番聞隳河隴失險締從南詔協力謀我岷江飲馬倚為先鋒并洛坤

效奚翅如所已試者和公內行淳備篤于孝友訓諸
子以身為範皆化公之儉有疏布風遺澤蓋弘遠矣
公生嘉靖甲申四月十八日卒萬曆庚寅六月二十
八日春秋六十有七配施氏封夫人子四曰宜曰實
曰賓曰官女二賓母為側室王餘皆施出孫男女若
千人詳見誌中墓在艮山之陽銘曰公昔起家出宰
岩邑清操絕倫頌聲翕習入直即署捐介自將敝衣
羸馬弛彼周行乃綰印符名高馮翊子臬于藩四方
宣力逮牙入蜀琴鶴萬然清猷復出節愛無前亦有
乖崖風稜如在惟其似之威容澤灑流言忽中舞瑞
暫歸矯矯文鼎抗論其非

滇志

七十六

冲聖續圖亟徵耆碩有

詔賜環九列虛席執矩司憲持衡佐銓靖共在佐

帝曰汝賢非鉅家更黨比竄伏

帝擇純均授公巨軸乃繩姦匿乃屏僉士蒐羅嚴穴

周閭出深氣體初消海宇交慶夙夜幼勞盡瘁以病

乞骸而去危詞屢陳

帝顧左右惜哉老臣休沐幾何樞筵在起微車未升

恩綸旋彼綿之二豎竟殲厥身震雷告異聲動蒼昊

皇心攸惻愍渥孔厚易厥嘉名揚芬不朽蒼山洱水

飄秀苞靈二百餘禩乃見典形天壤茫茫聲光赫赫

企德懷風視此崇石

滇志卷之二十五

藝文志第十一之一

表類

賀破土番表

唐推德興

伏以聲教所被遐邇大同蠢茲西戎尚有遺類或祀
亭鄣且稽靈誅陛下睿算無窮天威遠震以夷商威
恩之衆佐藩隅制勝之臣地取以多方累猷捷事皆
前定必稟聖謨新將奉旗出于料外堅城便地豈落
穀中通荒服會期之途絕餘孽窺覲之隙奉威懷之
命以律而蕞蕞夷夏之師在和而克此皆陛下神武
潛運妖氛永清繇是成擒自當盡敘臣等詔當樞近
愧乏廟謨幸觀成功不勝大慶

請築羅城梁南詔表

高駢

臣聞仗鉞擁旄顯受專征之奇嚴邦守土必尊共理
之規異勵節以輸忠須興利而除害伏以臣當道山
河雖險城壘未寧秦張儀收蜀之時已曾版築隋楊
秀守藩之日亦更增修堅牢雖壯于一隅同西不過
於八里自成通十年以後兩遭蠻寇攻圍數萬戶人
填咽共處池泉皆竭楚氣相蒸其苦可哀斯契可恤
臣前年赴任之日絕過劍門料蠻賊奔逃不敢回顧
先遣走馬入府放出城內戶人莫不嗔呼稱見蘇息
臣今敢與民協忠為國遠圖廣築羅城以示雄閫時

滇志卷之二十六

藝文志第十一

右體詩

渡蘭滄歌

水經注漢武帝時通博南山道渡蘭津行者苦

之歎曰

漢德廣聞不宿渡博南越蘭津渡蘭滄爲他人

爨道誼

益州記曰瀘水源出曲羅兩峯有殺氣暑月舊

不行故武侯以夏渡爲艱瀘水又下合諸水而

總其目故有瀘江之名自諸提至爨道有黑水

滇志

羊官三津之阻行者苦之爲之語曰

猶溪赤水盤蛇七曲盤羊鳥擺氣與天道

述南中志

晉常璩

赤德中微巨猾干篡白虜乘機致民塗炭爰迄靈獻

皇極不逮敗后失圖英雄迭進覆車齊軌蒙此艱難

送王太守貴莊赴雲南

本朝劉球

脫彼馳兮駕五駿居之適兮南詔之即顧中土緝緩

兮憫遐方不可以遺天子有命兮付居往釐出自都

門兮觴君子邁山川雖阻兮黎黎有待化左枉奎振

兮實維其時風條日麗兮勿緩其馳瑞麥嘉禾兮將

毓彼徽加賚增秩兮不日之詔

渡瀘江嘆

山高石齒齒細雨寒風江瀟瀟黃茅短樹啼鷓鴣
歲晚行人行不止吁嗟乎平生志願有不酬歸去來
兮吾老矣

石淙辭有序

賈宏

石淙在滇南今太宰邊庵楊公先世所居之地也

公自滇南徙巴陵再徙丹徒其藏修之所皆扁曰

石淙以示不忘蓋石淙之勝因公而聞於縉紳形

於述作久矣不揣疎陋乃爲之辭

滇之涯白石齒齒滇之水其流瀾瀾洶素波兮東趨

屹蒼岷兮中峙勢噴薄兮春撞轟風霆兮震耳忽山

滇志

盡兮川平見衡阜兮演迤江有蘊兮汀有芷纓吾濯

兮無塵心吾澄兮如洗寫溪聲以朱弦識高深之所

志彼美人兮出於其間實鍾奇而肖異淵有龍兮則

靈鵬處海兮或從賦擬兮遠遊歌棹兮蘭把眺君山

而汎洞庭登金焦而亂揚子鼓廣樂之希聲嘗中今

之至味偉遠人之大觀鄙凡俗之拘繫觀水兮於瀾

在川兮歎逝花聖哲之如存固斯道之全體惟動靜

之相須必兼資乎仁智因所遇而變生悟爲文之妙

理登緒餘於筆端亦雄深而巨麗暇五色以補天錢

膚雲而濟世乃舉世之所期繫美人之能事著精光

於浸潤去圭角於磨礪願攬結兮相從望精蘆兮伊

倉卒感斯言仰天長歎戲攬衣並起去耳中聞魚呼
題揚賢婦封股 王元翰

婦性秉坤順目罕接章篇相夫敦女則此理委道還
嗟哉楊君婦婉孌復貞堅佐君登黃堂緝緝守青氈
良人罹霜露百藥費烹煎深身矢彼蒼刻臂血流鮮
舉案一杯薦醒酬落喉咽二豎盡逃遁精誠格重玄
豈不痛厥膚切恐失所天慷慨偷風俗斯人真足傳

詠山茶花

龍允升

滇南有嘉木貞幹吐華滋灼灼連冬春秀色不彫移
剪裁雲霞氣鑿落珊瑚枝空山結幽賞御苑寧後時
落陽多牡丹百種遜芳菲品題應自異造物若專奇

滇志

三十七

名高能避世所貴知者稀

滇志卷之二十七
藝文志第十一之十

七言古詩

軍中行路難

君不見封狐雄虺自成羣憑深負固結妖氛玉壘分
兵微惡少金壇授律動將軍將軍擁旄宣廟畧戰士
橫戈靜夷落長驅一息背銅梁直指三危登劍閣關
道迢迢起戍樓劍門遙喬俯靈丘功關九折無平路
江水雙源有急流征役無期反他鄉歲月脫香丘
陵出蒼蒼林薄遠途危紫蓋峯路遊青泥坂去去指
哀牢行行入不毛絕壁千里險連山四望高中外分

滇志

一

匡宇夷夏殊風土交趾枕南荒昆彌臨北戶川源饒
毒霧溪谷多淫雨行潦四時流崩岸千歲古漂梗飛
蓬不暫安捫藤引葛陟危崖昔時聞道從軍樂今日
方知行路難滄江綠水東流駛失州丹徼南中地南
中南斗映星河秦關秦塞阻烟波三老過地風光少
五月瀘川瘴癘多朝驅疲斥堠夕息倦推歌向月磨
繁弱連星轉大河重義輕生懷一顧東征西伐凡幾
度夜夜朝朝班髮新年年歲歲戎衣故瀟城隅瀟池
水天涯望轉積地際行無已徒覺炎涼節物非不知
關山千萬里棄置勿重陳征行多苦辛且悅清茄梅
柳曲詎意芳園桃李人絳節紅旗分日羽丹心白羽

滇志卷之二十八

藝文志第十一

七言律詩

王崇山

唐道南和尚

松鳴天籟玉珊珊萬象常應護此山
一弓仙峯蒼石爛數聲長嘯白雲間
乾坤不礙西兩境金碧平分左右班
萬古難磨真蹟在峯頭驚鶴幾時還

題徐昭玉案山房

本朝蘭茂

美人高隱樂從容宅近滇南第一峯
喧枕泉聲常似雨傍簷雲氣或如龍
長鑱破雪尋黃獨曲几看山陰碧松
此趣料應知若寡抱琴何日逐游從

滇志

初到滇池

元李京

歲寒初褪雨初晴人逐東風馬足輕
天際孤城煙水暗雲開雙塔日遙明
未暗習俗人爭笑下聽珠箔我亦驚
珍重碧雞山上月相隨萬里更多情

滇池

釋機先

滇池有客夜來舟渺渺金波接素秋
白月隨人相上下青天在水與沉浮
遙憐謝客滄洲趣更愛蘇仙赤壁遊
坐倚蓬窓吟到曉不知身尚在南洲

高峴舟泛昆明池

不到昆明三十年重來今日已蹒跚
撐頭詩卷半挑酒水上人家總種蓮
山色滿湖能不醉荷香十里欲

登仙碧雞岩畔塔題字欲把滇歌取次酬

葉春

一曲瑤琴碧海頭野人生計滿汀洲
歸來幸有楊雄宅老去寧無彭澤舟
流水高山應我待陽春白雪可誰謳
漢家帶礪多豪傑李廣當年錯覓侯

游昆明湖時六月廿五值星回節

王元翰

昆池百里半蒹葭滌蕩徐風水色擬
欲挂錦帆懸兩足故移清吹促荷花
一雙雁影知秋近萬炬星回入皮除
好此西湖頻出沒扁舟儘可作生涯

昆明道中望滇海

查鼎

昆明池水渺無涯極目悠悠四望賒
西擁晴山環赤

滇志

岸東迎旭日耀舟霞

碧波蕩漾搖雙塔薄霧霏微暗五華
蜃氣上連斗斗色張鷟曾此泛仙槎

碧鷄山

釋機先

碧雞飛去幾千秋帝子當年此數遊
洞口仙桃迎鳳策岩前官柳繫龍舟
青山有限人何在白日無情水自流
誰記豪華歌舞地寒烟漠漠鎖荒丘

前題

李維唐

倚山處處雕甍麗不數梁王避暑宮
俯瞰見池涵一躍遙看城塔掛雙龍
龍會歸兮日同舟淑儀鳳何年枉碧峯
却往子淵勤望祀不將漢節到南中

第竹寺

郭松年

陰一自恭即逢爨下人傳焦尾到如今

棋對客閒居消暇日樂清時爛柯忘倦有鵲何知手

談心暫寄坐隱世都遺妙在員中得勝宜于爭處息

機曾是謝家推鬼陣秦兵百萬盡投肥

書滿灑紆徐行雅雅個魚魚晨星可摘雲物自如張

芝筆正健常誕墨方舒即管卻城貴紙不妨亥字訛

堵卻笑黃庭為世寶隻鵝換去更無餘

畫誰描可掛文非遙尺不臨幾點丹青許大世卧虎

頭狀癡絕龍眠氣英邁歸鴻遠送雙眸流泉 尋來

派共嘆明妃出塞難居王惜處千秋快

滇志

五十二

滇志卷之二十八終

滇志卷之二十九

藝文志第十一之十二

五言絕句

玉局寺

楊慎

仙是青城客山留玉局名渾如故鄉地偏動故鄉情

聚紫寺

李元期

白波西海明香霽南崖溼歡獻鵲王花雨花臺上拾

前題

董難

塔影眉百波松聲喧五鬣石門竟不開秋露迎迎葉

宿勸川驛

彭綱

風走落葉聲山大吹不已披衣夜出戶明月照溪水

滇志

五十三

海藏寺

王紹宗

泛棹撫山湖扶第海藏寺烟景似金山鐘聲到江次

大漁村

柳漢

十月昆明道霜花點點繁那堪殘日照立馬大漁村

翠屏公館

前人

曉月山程邁寒天驛騎催停鞍何處好候館翠屏開

蒲陀峽洞

孫霖

萬壑裂雲根洪流渡海門龍歸岩穴瑱獨有暮烟橫

昆明泛月

胡桐

孤艇泛輕波啣杯對月歌碧天無際處疑是到銀河

太華留雲

前人